

## Akilerarusiinermik aalajangiisartut aalajangiinerat

Akilerarusiinermik aalajangiisartut jr 2016-118110

nr:

Aalajangiisoqarpoq:	Ulloq 3. november 2016
Aalajangiinerup tamanut	6. juni 2017
saqqummiunneqarfia:	
Ukioq isertitaqarfiusoq:	2014
Sammissaq:	Akileraarutit
Sammissami oqaatsit atorneqartut:	Akilerartussaataaerermut piffissaq

### **Eqikkaaneq**

Naammagittaalliornermi pineqarpoq ukiumi isertitaqarfiusumi 2014-imi piffissaq akilerartussaataaaffik Akilerartarnermik aqutsisoqarfimmit naammagittaalliortoq tamakkiisumik ulluni 169-ini Kalaallit Nunaannut akilerartussaataasutut isigineqarsimavoq, tamatumalu kinguneraa annikinnerusunik ilanngaateqarneq taamaasilluni akilerartarnermit tapinit kr. 11.734-t ilanngullugit akileeqqusisoqarpoq. Naammagittaalliortoq isumaqarpoq, tamakkiisumik Kalaallit Nunaannut ulluni 304-ni akilerartussaataalluni.

Akilerarusiinernik aalajangiisartunit naammagittaalliortoq ukiumi isertitaqarfiusumi tamarmi tassa imaappoq ulluni 365-ini tamakkiisumik akilerartussaataasutut isigisimavaat.

### **Suliassami pissusiviusut**

Naammagittaalliortoq Greenland Contractors-imi atorfeqarpoq. Ullormit 17. maj 2006-imiit 13. august 2014-ip tungaanut Pituffimmi najugaqartutut nalunaarsorneqarsimavoq. Ulloq 14. august 2014 aallarnerfigalugu ilanngullugulu Danmarkimi najukkami zzzzz-vej-imi najugaqartutut nalunaarsorneqarsimavoq, tassanilu katissimallugu aapparisa aamma najugaqarsimalluni. Ulloq 7- juli 2012 aappariit katipput.

Naammagittaalliortoq Danmarkimi akilerartussaataasutut ulloq 14. august 2014-imiit nalunaarsorneqarsimavoq, tassani Danmarkimi najugaqalersimalluni. Tamanna tikillugu kisimiilluni tamakkiisumik Kalaallit Nunaannut akilerartussaataasimavoq, danskilli aktiaataannik pigisaqarsimalluni, taakkunatigut danskit iluanaarutinut akilerarutaannik akiliisinneqarsimalluni.

Greenland Contractors-imit nalunaarutigineqarnikuvoq ukiumi isertitaqarfiusumi 2014-imi naammagittaallortumut akilersimallugit kr. 193.811-t. Ingerlatseqatigiiffik naapertorlugu taakku ukioq tamaat aningaasarsiaapput, tassami naammagittaalliortoq napparsimasutut piffissami ulloq 29. januariimiit 13. augustip tungaanut nalunaarutigineqarnikuugami.

Tunniussisarnermik Kiffartuussivik - Napparsimanersiutit nalunaarutigineqarnikuvoq akiliisimallutik kr. 33.070-inik, taakkuninnga kr. 18.185-it akileraarutit A-tut akilersinneqarsimallutik. Napparsimanersiutinit pineqarpoq piffissaq 19-02-2014-imiit - 20-04-2014-imut.

Naammagittaalliortup nalunaarutigisimavaa, 2014 aallartissimalersoq Danmarkimi sulinggiffeqarluni, Privathospital-imi misissorneqarsimalluni, tassani kræftertoq pasitsaanneqarluni tamannalu kingusinnerusukkut Universitetshospitalimi uppersarneqarsimavoq. Kemo-mit katsorsarneqalerpoq peqatigitillugulu nammineerluni napparsimasutut nalunaarutigaluni. Ulloq 18. februar aallernerfigalugu sulisitsisumit napparsimanermi aningaasarsianik pissarsisarpoq. Tamatuma kingorna Kommuneqarfik Sermersooq qinnuigaa napparsimanerup nalaani sulinggiffeqarallarnermi ikiorsiissutinik pissarserusuluni. Akissuteqarfigineqarnissaminik utaqqinermi, Ydelsesservice København-imiit immersugassamik nassinneqarpoq, sulisitsisuatalu nalunaarfigaa, taamaasiortoqartoq sulisitsisup aamma Københavns Kommune-p akornanni isumaqatigiissut naapertorlugu. Tamatuma kingorna Københavns Kommune-mit napparsimanersiutinik pissarsisarpoq april-ip naanissaata tungaanut, tassani akiliuteqartarneq unisinneqartoq, tassami kommune isumaqarmat, Kommuneqarfik Sermersooq, akiliisussaasoq.. Tamatuma kingorna naammagittaalliortoq piffissami napparsimaffigisami sinnerani napparsimanersiutinik pissarsiaqanngilaq. Naammagittaalliortoq peqqissisutut imminut nalunaarutigivoq sulisitsisuminillu aningaasarseqqittalerluni.

Akileraartarnermik Aqutsisoqarfimmit naammagittaalliortumut isertitaliisimaneq aamma akileraarusiisimaneq suliarineqaqqilerpoq, tassami naammagittaalliortup Kalaallit Nunaannut akileraartussaataane-ra isigineqarmat ulloq 28.01.2014 taamaatinneqarsimasutut, tassanimi napparsimasutut nalunaarutigineqarmat aammalu akileraartussaataaneq isigineqarmat atuuteqqilersimasutut ulloq 13-08-2014, tassani peqqissisimasutut nalunaarutigineqarsimammat. Tamatuma kingorna ullut akileraaruteqarfiusussat qassiuneri ukiumi naatsorsorneqarput ullunut 169-inut aammalu isertitat, aningaasartuutit akileraartarnermilu ilanngaatit agguataarneqarsimapput Kalaallit Nunaanni ullut akileraarfiusussat qassiuneri naapertorlugit.

### **Naammagittaalliuuteqartup paasinninnera**

Naammagittaalliortumit isumaqatigineqanngilaq, kisimiilluni tamakkiisumik Kalaallit Nunaanni ulluni 169-ini akileraartussaataanini. Naammagittaalliortup paasinninnera naapertorlugu, tamakkiisumik ulluni 304-ni akileraartussaataavoq. Tamanna makkuninnga tunngavilersorneqarpoq:

- Naammagittaalliortoq 2014 tamaat Greenland Contractors-imi atorfeqarsimavoq, ukiulli ilaani napparsimasutut nalunaarnikuusimalluni.
- Naammagittaalliortoq ulluni 21. aprilimiit - 14. augustimut isertitaqarsimanngilaq, tassami Kommuneqarfik Sermersooq aamma Københavns Kommune isumaqatigissutigisinnaangim-massuk sorleq pisussaaffeqarnerseq napparsimanersiutinik akiliinissamut.
- Naammagittaalliortoq Købehavns Kommune-mit ulluni 19. februarimiit - 20. april 2014-imut ka-tillugit ulluni 61-ini napparsimanersiutinik pissarsiaqarsimavoq. Aningaasanit akileraarummut Købehavns Kommune-mut akiliisoqarsimavoq. Taamaattumik Kalaallit Nunaannut piffissaq

akileraartussaataaffik ulluusimassapput 304-it taakkulu naatsorsorneqarsimapput ullunut 365-inut - ullunut 61-inut.

## **Eqqartuussiviit sulinissaannut malittarisassat aamma eqqartuusseriaaseq atuuttoq innersuus-sutigineqarput**

### Akileraartussaataaneq:

Tamakkiisumik akileraartussaataaneq:

§ 1, imm. 1 nr. 1 aamma nr. 2 naapertorlugit tamakkiisumik akileraartussaataapput inuit

- Kalaallit Nunaanni najugaqartut
- inuit Kalaallit Nunaanni najugaqavinnatik sivikinnerpaamik qaammatini 6-ini tassaniittut, tamatumani ilanngullugit naatsorsuussaallutik feeriamik assigisaanilluunniit pissuteqarluni Kalaallit Nunaata avataaniillatsiarnerit,

*§ 1 Tamakkiisumik akileraartartussaataapput:*

- 1) *Inuit Kalaallit Nunaanni najugaqartut,*
- 2) *2) inuit Kalaallit Nunaanni najugaqavinnatik sivikinnerpaamik qaammatini 6-ini tassaniittut, tamatumani ilanngullugit naatsorsuussaallutik feeriamik assigisaanilluunniit pissuteqarluni Kalaallit Nunaata avataaniillatsiarnerit,*

§ 1. imm. 1. nr. 2. naapertorlugu akileraartussaataaneq najugaqarnerup akileraartussaataanermut pissutaasup aallaqqaataanit atuutilissaaq takuuk § 8 Aningaasarsianit akileraarutit pillugit Inatsisartut inatsisaat nr. 12, 2. november 2006-imeersoq

§ 1 nr. 2-mut oqaaseqaatini erseqqissarneqarpoq piffissaq najugaqarfiusoq qanoq naatsorsorneqar-tassanersoq.

*2) inuit Kalaallit Nunaanni najugaqavinnatik sivikinnerpaamik qaammatini 6-ini tassaniittut, tamatumani ilanngullugit naatsorsuussaallutik feeriamik assigisaanilluunniit pissuteqarluni Kalaallit Nunaata avataaniillatsiarnerit,*

*Piffissamik najugaqarfiusumik uutuineq qaammatikkaartumik naatsorsorneqartarpoq, ulloq tikiffik aallarfillu ilanngullugit naatsorsorlugit. Matuma kingorna qaammammi ullut qasserpiaaneri pingaarutaarutissapput. Najugaqarneq 5. januarimi tikilluni aallarunilu 4.juli ukiumi tassani isigineqassaaq qaammatini arfinilinni najugaqarnerit.*

*Pisuni ataasiakkaani aalajangersimasumik aalajangerneqassaaq, najugaqarnerup sivilissusia qanorlu ittu-nera eqqarsaatigalugit piviusumik sulinnigiffeqarneq assigisaaluunniit pissutigalugit sivikitsumik Kalaallit Nunaata avataaniittoqarnerisq.*

*Sulinnigiffeqarnermut nalinginnaasumik atuuppoq, suliffimmi pissutsit ilaattut isumaqatigiissutigineqarsimasasooq, imaluunniit sulinnigiffeqarneq piffissamut suliffiusimasumut aamma piffissami tassani suliffiup annertussusianut naammaginarumik pissuseqassasooq. Taamaattumik tassunga atatillugu sulinnigiffeqarfissatut katersat imaluunniit afspadseringit sulinnigiffeqarnerit isigineqassapput.*

*Sivikitsumik najugaqarnerup annertussusia sulinnigiffeqarneq assigisaaluunniit pissutigalugit nalinginnaasuupput taakkununga ilanngullugit sivikinnerusumik pikkorissarnerit, meerartaarnermi sulinnigiffeqarneq, napparsimavimmiinnerit assigisaallu. Paarlattuanik Kalaallit Nunaata avataani piffissaq suliffiusoq imaluunniit piffissaq tassani Kalaallit Nunaata avataani suliffissaarunnermi ullormusianik pissarsiffiusoq, tamatumani kingunerissavaa Kalaallit Nunaata ataani najugaqarneq taamaatinneqarsimasooq.*

*Kalaallit Nunaanni najugaqarnerup naggataarneranut Kalaallit Nunaata avataani sulinnigiffeqarneq Kalaallit Nunaanni piffissamut najugaqarfiusumut ilanngullugu naatsorsuunneqassanngilaq.*

### Isertitat akileraarutaasussat

Inunnut tamakkiisumik akileraartussaataitaasunut isertitat akileraarutaasussat tassaapput ukiumi isertitat tamarmiusut apeqqutaatinnagit Kalaalli Nunaanneersuunersut imaluunniit nunanit allaneersuunersut. Isertitaq taamaallaat akileraarutigineqassanngilaq, inatsisikkoortumik ilaatinneqanngippat.

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 13 naapertorlugu.

Taamaasilluni Aningaasarsianit akileraarutit pillugit inatsimmi § 34-mi isertitat pineqarput akileraarutigineqartussaannigtsut. Taamaasilluni katissimallugu aapparisaamit qanigisatulluunniit ilaqtutamat tunisisutisiat akileraarutigineqassanngillat isertitallu akileraarutaasussaasut naatsorsornerinut ilaatinneqassanatik. Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 34, imm. 1. nr 3 naapertorlugu.

### Marloriaammik akileraarusiineq:

Inuk tamakkiisumik akileraartussaataitaasoq aallaavittut Kalaallit Nunaanniit aamma nunanit allanit isertitamigut akileraarusiiffigineqassaaq, tamatumalu kingunerisinnaavaa isertitaq marloriaammik akileraaruserneqartoq, tassami nunap pissarsiffiusup akuttunngitsumik aamma isertitaq akileraarusiiffiginnaagamiuk. Marloriaammik akileraaruserneqarneq annikillineqarsinnaavoq kalaallit nunaannut akileraarutit naatsorsorneqarnerani nunat allamiut akileraarutaannik ilanngaanikkut. Annikillitsineq nalunaarutigineqarsinnaavoq Aningaasarsianit akileraarutit pillugit inatsimmi § 69 inatsisitigut toqqammavigalugu imaluunniit Marloriaammik akileraarusiisarneq pillugu isumaqatigiissut (DBO) inatsisitigut toqqammavigalugu, nuna pissarsiffiusoq isumaqatigiissummik isumaqatigiissuteqarfigineqarsimappat.

Kalaallit Nunaata Danmarkillu akornanni DBO-mik isumaqatigiissummik isumaqatigiissuteqartoqarpoq.

### Akileraarusiisarnikkut angerlarsimaffik:

Inuk sumi angerlarsimaffeqarnissamut, najugaqarnissamut assigisaannulluunniit piumasaqaatit aallaavigalugit Kalaallit Nunaanni Danmarkimilu najugaqavissutut isigineqarpat, Marloriaammik akileraarusiisarneq pillugu isumaqatigiissummi (DBO-mi) art. 4 malillugu naalagaaffiup ilaani akileraarusiisarnikkut angerlarsimaffeqartutut isigineqassaaq, sivikinnerpaamik qaammatini arfinilinni ingerlaannartumik najugaqarsimappat sulinngiffeqarneq assigisaaluunniit pissutigalugit naalagaaffiup ilaani eqqartorneqartup avataaniittarsimappat sivikinnerusumik najugaqarfigisimasaminit. Qaammatit arfinillit sinnerlugit Kalaallit Nunaanneereernermi, Kalaallit Nunaat imaluunniit DBO isigineqassaaq najugaqarnerup aalartinneraniit akileraarusiisarnikkut angerlarsimaffigisatut.

Sulinngiffeqarneq sulinermi pissutsit ilaattut isumaqatigiissutigineqarsimassaaq. Ullut sulinngiffeqarfigisatut katersat imaluunniit qaangiuttoornermiit afspadseringerneq tassunga atatillugu sulinngiffeqarnerupput. SKAT Danmarkimi inatsiseqarnikkut ilitsersuutaani eqqartuussisarnikkut periuseq tunngaviga-

lugu arlalinnik assersuusiortoqarsimavoq sulinngiffeqartarnerup assigisaataluunniit Danmarkip Kalaallilu Nunaata akornanni DBO-mi art. 4-ip qanoq paasineqartarnissaanut.

*Assersuutit:*

*Najugaqarnerit tulluuttut sivikitsumik najugaqarnertut isigineqartarput ilaatigut pissutigalugit sulinngiffeqarneq assigisaaluunniit:*

- *Pisortani atorfilik, nalinginnaasumik sulinngiffeqarnissamik katersamik sapaatit akunnerinik 6-inik, ilanngullugulu qaangiuttoornernit afspadseringiiisoq aamma ullunik sulinngiffiusussanik annaasanik ingerlatsisoq, katillugit sapaatit akunnerinik 7-inik.*
- *Timmisartortortoq paarlakaalluni sulisarnermik aaqqissuussinermiittoq, qaammat ataaseq sulisarluni - qaammat ataaseq sulinngiffeqartarluni il.il.*
- *Kilisaammi raajarniummi aalisartoq qaammatit pingasut missaanni sulisartoq - qaammatit pingasut sulinngiffeqartoq il.il.*
- *Sivikitsumik pikkorissartoq, meerartaarnermi sulinngiffeqartoq, napparsimavimmiittoq assigisaanillu.*

*Najugaqarnerit tulluuttut ilaatigut sulinngiffeqarneq assigisaaluunniit pissutigalugit sivikitsumik najugaqarnertut isigineqartannigillat.*

- *Piffissaq Danmarkimi suliffiusoq piffissarlunniit tassani Danmarkimi suliffissaarunnermi ullormusianik pissarsiffiusoq.*
- *Danmarkimi sulinngiffeqarneq Kalaallit Nunaanneereernerup naggasernerartut.*

DBO-mi isertitat akileraarutaasartussat:

BDO-mi allaaserineqarpoq nunamit isertitat akileraaruserneqarnerini qanoq isummertoqassanersoq, akileraartussaataasooq nunami allami akileraarusiisarnikkut angerlarsimaffeqarpat. Taamaasilluni erniat, iluanaarutit, illumit aalajangersimasumit isertitat aamma inuussutissarsiornermik ingerlatsivimmit il.il. isertitat akileraaruserneqartarnerat pillugu allakkiaqarpoq. Aalajangersagaqanngilarli napparsimarnermi ullormusiat akileraaruserneqartarnerat pillugu. Art 20 tassaavoq isertitanut erseqqissumik eqqaaneqarsimanngitsunut akileraarusiisarneq pillugu aalajangersagaq katersiviusoq. Taanna naapertorlugu isertitanut erseqqissumik eqqaaneqarsimanngitsunut akileraarusiisinnanermik piginnaatitaaneq nunami najugaqarfigisamiippoq, Tassa imaappoq Kalaallit Nunaat nunanut najugaqarfigisatut napparsimanermi ullormusianut Danmarkimii akilerneqartartunut akileraarusiisarnermut piginnaatitaaffeqarpoq soorunalumi Danmark piginnaatitaaffeqanngilaq isertitanit akileraarusuisinnaanermut.

Akileraarutinit annikillisitsineq:

Artikel 22 naapertorlugu Kalaallit Nunaat nunatut najugaqarfittut (akileraarusiisarnikkut angerlarsimaffittut) Danmarkimi isertitanit akileraarummut akilerneqarsimasumut ilanngaasiisartussaavoq, ilanngaalli Kalaallit Nunaanni isertitanit akileraarutigisatut naatsorsorneqarsimasunit annertunerussanngilaq. Tassa imaappoq Kalaallit Nunaat Danmarkimi isertitanit akileraarummut akilerneqarsimasumut ilanngaasiisartussaavoq, ilanngaataasorli Danmarkimi isertitamit Kalaallit Nunaannut akileraarutaasus-satut naatsorsukkatut angitiginngisaannassaaq.

Aningaasarsianit akileraarutit pillugit inatsimmi annikillisisarnissamik aalajangersagaq art, 22-mi annikillisisarnissamik aalajangersakkap assigaa. Immikkoortoq 2-mili erseqqissaatigineqassaaq Marloraammik akileraartarneq pillugu isumaqatigiissut naapertorlugu aningaasanik Danmarkip pi-masaqaatigisaanit annertunerusunik ilanngaasoqartassanngimmat. Tassa imaappoq DBO-mit piginnaatitsissutaasoq sinnerlugu amerlanerusunik akileraarutit Danmark akiliisitsisimappat, taava taamaallaat akileraarummut ilanngaasoqarsinnaavoq, DBO naapertorlugu Danmarkimit akilernerqarsimasariaqartumit. DBO-mit Kalaallit Nunaat kisiat akileraarusiinissamut piginnaatinneqarpat, taava Kalaallit Nunaata Danmarkimi akileraarutit akilernerqarsimasut annikillisisanngilai. Taamaattoqassappat akileraartussaataasumit namminermit Skat Danmark attaveqarfigineqassaaq Danmarkimi akileraarutit akilernerqarsimasut utertinniarlugit.

### **Akileraarusiinernik aalajangiisartut naliliineri tunngavilersuutaalu**

Naammagittaalliortoq august 2014-ip tungaanut Pituffimmi Kalaallit Nunaanni nalunaarsukkamik najugarsimavoq, tamannalu naapertorlugu taamaasilluni ukiuni isertitaqarfiusuni qaangiuttuni tamakkiisumik Kalaallit Nunaannut akileraartussaataasimalluni, pineqartoq Danmarkimut tamakkiisumik ilaannakuusumilluunniit akilerartussaataasut nalunaarsugaasimanngilaq.

Naammagittaalliortoq ukioq isertitaqarfiusoq 2014 tamakkerlugu Greenland Contractors-imi atorfeqarsimavoq Kalaallillu Nunaanni najugaqarnini taamaallaat kipitinnikuusimallugu sulinnigiffeqarnini aamma napparsimasutut nalunaarneqarsimanini pissutigalugit tamatumanilu Danmarkimi kræftimut katsorsartissimalluni.

Tassalu Kalaallit Nunaanni najugaqarnini taamaatissimannginnamiuk aallaavittut suli tamakkiisumik Kalaallit Nunaannut akileraartussaataalluni, aatsaalli naatsorsuutigineqarpat, aamma Danmarkimi najugaqartutut piviusumillu Kalaallit Nunaanni najugarnini taamaatissimallugu. Naallu taamatut pisoqarsimagaluarpat, taava ukioq naallugu Kalaallit Nunaanni suliassaminik isumaginnittussatut Greenland Contractors-imit atorfeqartitaasimavoq. Tassa imaappoq Aningaasarsianit akileraarutit pillugit inatsimmi § 1 imm. 2 naapertorlugu (sumi najugaqarnissamik aalajangersagaq) aamma tamakkiisumik Kalaallit Nunaannut akileraartussaataasimalluni, tassami taamaallaat najugaqarnini kipitinnikuusimagamiuk sulinnigiffeqarneq napparsimanerlu pissutigalugit. Inatsisip allannertaa mallillugu taamaallaat pineqarsinnaapput "sivikitsumik" najugaqarnerit inatsimmilu aalajangersakkamut oqaaseqaatini assersuusiortoqarsimanngilaq, sivikitsumik najugaqarnertut suut isigineqarsinnaanersut. Oqaaseqaatini oqaatigineqarpoq, aalajangersimasumik nalilersuisoqartariaqartoq ilanngullugulu oqaatigineqarluni, najugaqarneq taamaatinneqarsimassasoq nunami allamiinnerup nalaani suliffissaleqisutut aningasanik pissarsisoqarsimappat. Naammagittaalliortup Danmarkimi najugaqarnera ukiup affangajaanik sivilissuseqarpoq, tamatumunngali pissutaanerugunarpoq taamaallaat napparsimasutut katsorsartinneqarneq aamma ukiup aallartinnerani tassani kræfteqartut paasisaqarfigineqarnermini sulinnigiffeqalaarsimanermit.

Tamatuma kingorna Akileraarusiinernik Aalajangiisartut paasininnerivaat, naammagittaalliortoq ukiuni isertitaqataaffiusumi tamarmi Kalaallit Nunaannut tamakkiisumik akileraartussaataasutut isigineqassasoq. Tamatuma kinguneraa, isertitat tamarmik isertitanut akileraarutigineqartussatut

naatsorsuinermit ilaatinneqarnissaat. Taamaattumillu aamma Københavns Kommune-mit isertitat naatsorsuinermit ilaatinneqassapput. Kalaallit Nunaata Danmarkillu akornanni DBO-mi art. 20 malillugu Københavns Kommune-mit napparsimanermi ullormusiat akilernerqarsimasut Kalaallit Nunaannut akileraarutigineqartussaapput. Taamaattumik DBO malillugu isertitat Danmarkimi akileraaruserneqartussaangillat taamaattumillu Kalaallit Nunaata Danmarkimi isertitanit akileraarutit akilersinneqarsimasut annikillisissangilai. Naammagittaalliortoq nammineerluni SKAT Danmark-imut saaffiginnissaaq akileraarutigittinneqarsimasut akilersinniarlugit.

### **Akileraarusiinernik aalajangiisartut aalajangiinerat**

Kalaallit Nunaannut ukiumi isertitaqarfiusumi 2014-mi ullut akileraartussaataffaait pillugit Akileraartarnermut Aqutsisoqarfiup aalajangiisimanera **atorunnaarsinneqassaaq** tassami naammagittaalliortoq isigineqassammat ukiumi isertitaqarfiusumi 2014-imi tamarmi tamakkiisumik akileraartartussaataasut. Taamaasilluni naammagittaalliortoq naammagittaalliutigisaminut ilaannakuusumik akuersaarneqarpoq.

Inatsimmut innersuussut: Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi §§ 1, 2, 13, 14 aamma 69 kiisalu Danmark-ip Kalaallillu Nunaata akornanni Marloraammik akileraartarneq pillugu isumaqatigiisummi Art 4, 10, 11 aamma 15.